

KHIDMAT MASYARAKAT PKA 2021: KUMPUL BARANG TERPAKAI UNTUK JUALAN DANA AKTIVITI KEBAJIKAN

Oleh : Nurhidayati Binti Mat Daud Keria

SUNGAI PETANI, 1 Disember 2021 – Terinspirasi selepas melihat kesungguhan Puan Natipah Abu, Pengurus Pertubuhan Jariah Qaseh Malaysia membuka sebuah butik menjual barang terpakai untuk membantu aktiviti kemasyarakatan telah mencetuskan idea kepada Unit Kebajikan, Sukan dan Khidmat Masyarakat, Pengajian Kejuruteraan Awam (PKA), UiTM Cawangan Pulau Pinang untuk sama – sama menyumbang kepada aktiviti kebajikan pertubuhan tersebut.

Bermula dari situ, Unit Kebajikan, Sukan dan Khidmat Masyarakat, Pengajian Kejuruteraan Awam, UiTM Cawangan Pulau Pinang telah mengumpulkan barang – barang terpakai yang masih elok seperti pakaian, kasut, novel, hiasan rumah, barang elektrik dan pelbagai barang keperluan lain untuk disumbangkan kepada Butik Qasehku.com, milik Pertubuhan Jariah Qaseh Malaysia. Pengumpulan barang daripada kalangan staff PKA berlangsung selama dua minggu. Pandemik Covid-19 bukan penghalang kepada kakitangan Pengajian Kejuruteraan Awam, UiTM Cawangan Pulau Pinang untuk terus melakukan aktiviti khidmat masyarakat.

Pada 1 Disember 2021, barang – barang yang telah dikumpulkan telah di hantar oleh wakil dari Pengajian Kejuruteraan Awam, UiTM Cawangan Pulau Pinang yang diketuai oleh Puan Nurhidayati Binti Mat Daud ke Butik Qasehku.com yang terletak di Sungai Petani, Kedah. Majlis penyerahan barang tersebut juga turut disaksikan oleh Pegawai Zakat Daerah Kuala Muda, Kedah, iaitu Encik Sofiyuddin Ismail. Barang sumbangan tersebut akan dijual pada harga yang amat berpatutan iaitu serendah RM10. Matlamat penjualan selain untuk mengumpul dana bagi menampung kos operasi rumah kebajikan milik pertubuhan tersebut iaitu Rumah Qaseh Ayah, Rumah Anak Yatim Perempuan Jariah Qaseh dan tiga buah rumah mengaji percuma di sekitar Sungai Petani juga memberi peluang kepada golongan yang kurang berkemampuan membeli barang dalam harga yang rendah.



Sesi penyerahan barang sumbangan di hadapan Butik Qasehku.com



Barangan sumbangan PKA kepada Butik Qasehku.com



Contoh barangan yang dijual di Butik Qasehku.com